



REPUBLIKA E SHQIPËRISË

BASHKIA VAU DEJES

DREJTORIA E MBROJTJES PËRFSHIRJES DHE STREHIMIT SOCIAL

PROJEKT VENDIM

Nr 01 datë 20. 01.2025

“PËR MIRATIM SHITESË PLANI NË BUXHETIN E BASHKISË VAU DEJËS TË MIRATUAR ME VKB-NË NR.84, DATË 23.12.2024 “PËR MIRATIMIN E BUXHETIT TË VITIT 2025 DHE PROGRAMIT BUXHETOR AFATMESËM PERFUNDIMTAR 2025-2027, NUMRIN E PUNJONJËSVE TË BASHKIAK VAU DEJËS”

Në mbështetje të nenit 35 pika 1 shkronja “d”, nenit 54 shkronja “dh”, të ligjit nr. 139 “Për vetëqeverisjen vendore” i ndryshuar; ligji nr 121/2016 “Për shërbimet e kujdesit shoqëror në Republikën e Shqipërisë”; neni 20 pika 1 dhe 5, të ligjit nr. 68/2017 “Për Financat E vetqeverisjes vendore”; ligji nr. 10296, datë 08.07.2010 “Për menaxhimin financiar dhe kontrollin” i ndryshuar; ligji nr. 9936, datë 26.06.2008, “Për menaxhimin e sistemit buxhetor në Republikën e Shqipërisë” të ndryshuar; pika 190 e Udhëzimit nr. 9, datë 20.03.2018 të Ministrit të Financave dhe Ekonomisë “Për procedurat standarte të zbatimit të buxhetit” i ndryshuar; VKB-në Nr.84, datë 23.12.2024 “Për miratimin e Buxhetit të vitit 2025 dhe programit buxhetor afatmesëm perfundimtar 2025-2027, numrin e punjonjësve të Bashkiaë Vau Dejës”, Shkresës Nr. 5245/24Prot, datë 30.12.2024 me lëndë “Njoftim”, nga Ministria e Shëndetësisë dhe Mbrojtjes Sociale dhe Relacionit të administratës së Bashkisë Vau Dejës; i propozojmë Këshillit të Bashkisë Vau Dejës, të :

VENDOSI

- Miratimi i shtesës së planit të buxhetit të Bashkisë Vau Dejës, për projektin “Shërbim Lëvizës në Familje, për Fëmijët me Aftësi të Kufizuar në Bashkinë Vau Dejës”. Projekti financohet nga Ministria e Shëndetësisë dhe Mbrojtjes Sociale, programi i Fondit Social. Ky projekt do të përfshihet në programin 10430 “Kujdesi Social” dhe shuma totale për vitin 2025 është 2,999,664 (Dy milion e nëntëqind e nëntëdhjetë e nëntë mijë e gjashtëqind e gjashtëdhjetë e katër) lekë, me TVSH, sipas shkresës Nr. 5245/24 Prot., datë 30.12.2024, sipas detajimit më poshtë:

2. Shpenzimet e llogaritura					
Shpenzimet për çdo aktivitet 2025.	Totali (Lekë)	Nga kjo:			
		Paga	Operative	Transferime	Kapitale
Burime Njerezore					
Kontribut Bashkia	1,681,884	1,681,884			



REPUBLIKA E SHQIPËRISË

Fondi Social	2,999,664	2,999,664			
Pajisje dhe furnizime					
Kontribut Bashkia	302,400				302,400
Kontribut donatori					
Shpenzime per aktivitete					
Kontribut Bashkia	100,000		100,000		
Shpenzime per vizibilitetin					
Kontribut (Fondi Social)					
Shuma	5,083,948	4,681,548	100,000		302,400

1. Për zbatimin e këtij vendimi ngarkohet Kryetari i Bashkisë.
2. Ky vendim hyn në fuqi 10 ditë pas shpalljes.

Duke ju falenderuar për bashkëpunimin!

Konceptoi:

Gjergj Babani; Përgjegjësi i Sektorit të Shërbimit Social dhe Mbrojtjes së Fëmijëve.

Miratoi:

Ridvan Luzaku : Drejtor/ Drejtorja e Mbrojtjes, Përfshirjes dhe Strehimit Social.

Edhe Ruzel : Drejtor/ Drejtorja Ekonomike dhe Menaxhimi Financiar.

KRYETAR
Kristian Shkreli

NË MUNGESË DHE ME URDHËR

ZV/KRYETAR

Aleksandra Gjoni



Konfirmoi Bazën Ligjore:

Kontratave dhe Çështjeve Gjyqësore

Ersilda Preka: Ersilda Preka/Sektor i Asistencës Ligjore,



REPUBLIKA E SHQIPËRISË

BASHKIA VAU DEJES

DREJTORIA E MBROJTJES, PËRFSHIRJES DHE STREHIMIT SOCIAL

RELACION

“PËR MIRATIM SHITESË PLANI NË BUXHETIN E BASHKISË VAU DEJËS TË MIRATUAR ME VKB-NË NR.84, DATË 23.12.2024 “PËR MIRATIMIN E BUXHETIT TË VITIT 2025 DHE PROGRAMIT BUXHETOR AFATMESËM PERFUNDIMTAR 2025-2027, NUMRIN E PUNJONJËSVE TË BASHKIAË VAU DEJËS”

DREJTUAR : Këshillit Bashkiak Vau Dejës

Të nderuar Këshilltarë!

Në mbështetje të nenit 35, pika 1, shkronja “d”, nenit 54, shkronja “dh”, të ligjit nr. 139/2015 “Për vetëqeverisjen vendore” i ndryshuar; ligjit nr. 121/2016 “Për shërbimet e kujdesit shoqëror në Republikën e Shqipërisë”; nenit 20, pika 1 dhe 5, të ligjit nr. 68/2017 “Për financat e vetqeverisjes vendore”; ligjit nr. 10296, datë 08.07.2010 “Për menaxhimin financiar dhe kontrollin” i ndryshuar; ligjit nr. 9936, datë 26.06.2008, “Për menaxhimin e sistemit buxhetor në Republikën e Shqipërisë” i ndryshuar; pikës 190 të Udhëzimit nr. 9, datë 20.03.2018 të Ministrisë të Financave dhe Ekonomisë “Për procedurat standarte të zbatimit të buxhetit” i ndryshuar; VKB-së Nr. 84, datë 23.12.2024 “Për miratimin e buxhetit të vitit 2025 dhe programit buxhetor afatmesëm përfundimtar 2025-2027, numrin e punonjësve të Bashkisë Vau Dejës”, Shkresës Nr. 5245/24 Prot., datë 30.12.2024, me lëndë “Njoftim” nga Ministria e Shëndetësisë dhe Mbrojtjes Sociale; Planit Social Vendor 2021-2023, miratuar me VKB-në Nr. 84, datë 24.12.2020 “Për miratimin e Planit Social Vendor të Bashkisë Vau Dejës”, Bashkia ka aplikuar me kërkesë për financim të shërbimeve të kujdesit shoqëror në nivel vendor me projektin “Shërbim Lëvizës në Familje për Fëmijët me Aftësi të Kufizuar në Bashkinë Vau Dejës”, në thirrjen e hapur nga Ministria e Shëndetësisë dhe Mbrojtjes Sociale në programin e Fondit Social 2024.

Ky projekt ka një kohëzgjatje prej 36 muajsh, dhe nëpërmjet shkresës Nr. 5245/24, datë 30.12.2024, jemi njoftuar për kalimin e fondit për vitin 2025 nga Ministria e Shëndetësisë dhe Mbrojtjes Sociale, në vlerën totale 2,999,664 (Dy milion e nëntëqind e nëntëdhjetë e nëntë mijë e gjashtëqind e gjashtëdhjetë e katër) lekë, me TVSH. Nga vlera totale e financimit për vitin 2025, e cila është 5,083,948 (Pesë milion e tetëdhjetë e tre mijë e nëntëqind e dyzet e tetë) lekë, kontributi i Fondit Social nga Ministria e Shëndetësisë dhe Mbrojtjes Sociale është 2,999,664 (Dy milion e nëntëqind e nëntëdhjetë e nëntë mijë e gjashtëqind e gjashtëdhjetë e katër) lekë, me TVSH. Po ashtu, kontributi i Bashkisë për vitin 2025 është 2,084,284 (Dy milion e tetëdhjetë e katër mijë e dyqind e tetëdhjetë e katër) lekë, me TVSH.



REPUBLIKA E SHQIPËRISË

Me anë të këtij financimi është planifikuar të realizohet;

Burime njerëzore: Psikolog, Punonjës Social, Fizioterapist, Logoped, Shofer për ofrimin e shërbimit për 25 fëmijë me aftësi të kufizuara, në shumën 4,681,548 (katër milion e gjashtëqind e tetëdhjetë e një mijë e pesëqind e dyzet e tetë) lekë.

Pajisje dhe furnizime (karburant) në shumën 302,400 (treqind e dy mijë e katërqind) lekë.

Shpenzime për aktivitete (Seti i mjeteve të punës për 4 profesionistë) në shumën 100,000 (njëqind mijë) lekë.

Projekti "Shërbim Lëvizës në Familje" ka pasur një nisje të suksesshme gjatë vitit të parë të zbatimit, duke ofruar shërbime në familje për familjet me aftësi të kufizuara që kanë nevojë për mbështetje dhe trajtim në kushte të përshtatshme dhe të sigurta për ta. Ky projekt ofrohet nga një ekip i përbërë nga katër profesionistë të kualifikuar: logopedi, punonjësi social, fizioterapisti dhe psikologu. Secili prej këtyre profesionistëve ka kontribuar në përmirësimin e cilësisë së jetës së fëmijëve dhe familjeve që kanë marrë shërbimin.

Në vitin e parë të zbatimit, kemi arritur të implementojmë një sërë aktivitete dhe ndërhyrjesh që kanë pasur një ndikim pozitiv në shëndetin dhe mirëqenien e fëmijëve dhe familjeve, duke ofruar mbështetje në fushat e zhvillimit të aftësive të komunikimit, shëndetit mendor, rehabilitimit fizik dhe ndihmës sociale. Ky sukses i projektit është reflektuar në vlerësimet pozitive të pranuar nga familjet dhe partnerët e projektit, të cilët kanë theksuar rëndësinë e shërbimeve të ofruara dhe ndikimin e drejtpërdrejtë në jetën e tyre.

Tani, në vitin e dytë të implementimit të projektit, synojmë të vazhdojmë këtë projekt me thellimin e shërbimeve që ofrohen, duke ofruar mbështetje edhe më të specializuar për nevojat e ndryshme që mund të shfaqen gjatë kohës për fëmijët. Ekipi i Njësisë Lëvizëse do të vazhdojë të punojë ngushtë me çdo familje për të siguruar që çdo fëmijë pjesë e këtij projekti të marrë shërbimin që i nevojitet për zhvillimin dhe mirëqenien e tij.

Ky projekt mbetet një mundësi e shkëlqyer për të kontribuar në përmirësimin e kushteve të jetesës së fëmijëve me aftësi të kufizuara dhe familjeve të tyre, si dhe në forcimin e rrjetit të mbështetjes sociale që është kaq i nevojshëm për komunitetin.

Duke ju falenderuar për bashkëpunimin!

Konceptoi:

Çuka Babani

Përgjegjësi i Sektorit të Shërbimit Social dhe Mbrojtjes së Fëmijëve.